


An Ciste Carbóin Tuarascáil Bhliantúil

2016



Gníomhaireacht Bainistíochta an Chisteáin Náisiúnta

TUARASCÁIL AGUS CUNTAIS AN CHISTE CARBÓIN DON BHLIAIN DAR CRÍOCH 31 NOLLAIG 2016



Gníomhaireacht Bainistíochta an Chisteáin Náisiúnta
National Treasury Management Agency

23 Bealtaine 2017

An tUasal Denis Naughten, TD
An tAire Comhshaoil, Pobail agus Rialtais Áitiúil
29-31 Bóthar Adelaide
Baile Átha Cliath
D02 X285

A Aire, a Chara,

I gceangal leis seo gheobhaidh tú Tuarascáil agus Cuntais an Chiste Carbóin don bhliain dar críoch an 31 Nollaig 2016.

Mise le meas,

Willie Walsh,
Cathaoirleach



Tuarascáil agus Cuntais an Chiste Carbóin 2016

CLÁR NA NÁBHAR

Achoimre	3
----------	---

Cúlra	3
-------	---

Roinn a hAon	4
--------------	---

Astaíochtaí Gás Ceaptha Teasa a thomhas	4
---	---

Oibleagáid na hÉireann faoi Chinneadh an AE maidir le comhroinnt díchill go 2020	4
--	---

Dul chun cinn na hÉireann maidir lena spriocanna astaíochtaí a chomhlíonadh	5
---	---

Roinn a Dó	7
------------	---

Infheistíochtaí ag Éirinn	7
---------------------------	---

Ráitis Airgeadais	8
-------------------	---

Tuarascáil agus Cuntais an Chiste Carbóin 2016

Achoimre

I ndiaidh socrú deiridh 2015 na n-oibleagáidí faoi thréimhse chomhlíontachta Phrótacal Kyoto 2008-2012, ní raibh gníomhaíocht ar bith sa Chiste in 2016. Ag deireadh na bliana bhí 5,329,964 aonad fágtha sa Chiste, agus tugadh iad sin ar aghaidh i dtreo ghealltanais 2020 na hÉireann faoi Phacáiste Comhtháite um Fhuinneamh agus um an Athrú Aeráide 2020 an Aontais Eorpaigh.

Sonraítear in alt 6 den Acht um an gCiste Carbóin 2007: “A luaithe is féidir, ach tráth nach déanaí ná 6 mhí tar éis dheireadh gach bliana airgeadais de chuid na Gníomhaireachta, tabharfaidh an Gníomhaireacht tuarascáil don Aire faoina gníomhaíochtaí i ndáil le comhlíonadh na bhfeidhmeanna atá tarmlichte di faoin Acht seo le linn na bliana lena mbaineann agus cuirfidh an tAire faoi deara cóipeanna den tuarascáil a leagan faoi bhráid gach Tí den Oireachtas.”

Is í seo an deichiú tuarascáil don Roinn Cumarsáide, Gníomhú ar son na hAeráide agus Comhshaoil faoin Acht um an gCiste Carbóin, agus cumhdaítear an bhliain dar críoch an 31 Nollaig 2016 inti.

Cúlra

Bunaíodh an Ciste Carbóin in 2007 chun aonaid charbóin a cheannach thar ceann an Stáit. Rinneadh amhlaidh chun gealltanais na hÉireann faoi Phrótacal Kyoto – comhaontú idirnáisiúnta um athrú aeráid a chomhlíonadh. Bunaíodh an Ciste Carbóin faoin Acht um an gCiste Carbóin 2007, agus bhí sé beartaithe go gcomhlánódh na haonaid a ceannaíodh gníomhaíocht maolaithe intíre.

Rinneadh bainistíocht an Chiste a tharmligean chuig Gníomhaireacht Bainistíochta an Chisteáin Náisiúnta. Ainmníodh GBCN mar an ngníomhaí ceannaigh chomh maith chun na creidmheasanna riachtanacha a cheannach. Déantar tagairt do chreidmheasanna carbóin sa reachtaíocht mar Aonaid Kyoto.

Bhí straitéis na hÉireann chun a sprioc Kyoto a bhaint amach maidir le laghdú a dhéanamh ar astaíochtaí gás ceaptha teasa leagtha amach sa Straitéis Náisiúnta um Athrú Aeráide 2007-2012, a foilsíodh i mí Aibreáin 2007. Measadh ar dtús go mbeadh ar an Rialtas creidmheasanna carbóin a cheannach chun 3.6 milliún tona measta d’astaíochtaí breise a chumhdach maidir le gach bliain den tréimhse 2008–2012. I ndiaidh an mhaolaithe thapa agus dhian sna dálaí eacnamaíocha agus an ráta níos ísle fáis i ngeilleagar na hÉireann thar an tréimhse sin, tháinig laghdú suntasach ar an ngá le creidmheasanna a cheannach.

Cuireadh na hidirbhearta cuntasíochta deiridh don chéad tréimhse gealltanais de Phrótacal Kyoto (2008-2012) i gcrích in 2015. Tugadh na creidmheasanna nár úsáideadh anonn agus é beartaithe lena n-úsáid chun gealltanais na hÉireann sa tréimhse reatha (2013-2020) a chomhlíonadh.

Tá cur síos déanta ar oibleagáidí na hÉireann agus an dul chun cinn a mheastar maidir lena spriocanna astaíochtaí i Roinn a hAon I Roinn a Dó, tá cur síos déanta ar infheistíochtaí carbóin na hÉireann go dtí seo.

Roinn a hAon

Astaíochtaí Gás Ceaptha Teasa a thomhas

Is é Dé-ocsaíd Charbóin (CO₂) an gás ceaptha teasa is coitianta agus úsáidtear tona CO₂ mar an aonad coitianta tomhais. Dá bhrí sin tá gach Aonad Carbóin coibhéiseach le tona CO₂. Déantar GCTanna eile a thomhas mar choibhéisí dí-ocsaíde carbóin (CO₂e) i gcomhthéacs a bPoitéinsil Téimh Dhomhanda (GWP) thar thréimhse 100 bliain. De réir sainmhínithe, tá GWP 1 ag CO₂. Féach tábla 1 chun tuilleadh eolais a fháil.

Tábla 1

	GWP-100
Dí-ocsaíd charbóin (CO ₂)	1
Meatán (CH ₄)	21
Ocsaíd Nítriúil (N ₂ Oanna)	310
Hidreafluoracarbóin (HFCanna)	150 – 11,700
Sárfhuoracarbóin (PFCanna)	6,500 – 9,200
Sulfar Heicseafluairíd (SF ₆)	23,900

Oibleagáid na hÉireann faoi Chinneadh an AE maidir le comhroinnt díchill go 2020

Tá spriocanna reatha na hÉireann leagtha síos le Pacáiste Comhtháite um Fhuinneamh agus um an Athrú Aeráide 2020 an AE².

Tá dhá phríomhuirlis i bhfeidhm lena chinntiú go gcomhlíonfaidh an AE na spriocanna sin:

■ Córas AE i ndáil le Trádáil Astaíochtaí (EU ETS)

Tá na hastaíochtaí tionscail cumhdaithe faoi scéim “teorannaithe agus trádála” astaíochtaí na hEorpa do mhórhruaillitheoirí – EU ETS. Faoi gcóras, rialaítear 45% d’astaíochtaí GCT an AE in earnálacha lena n-áirítear na tionscail tráchtála, eitleóchta, táirgeadh alúmanaim, eastóscacha agus diancheimiceáin³. Tugtar spriocanna astaíochtaí agus lamháltais dhíreacha do na comhlachtaí lena mbainistíú iad féin. Ghlac os cionn 100 gléasra Éireannach páirt sa scéim.

■ Cinneadh maidir le Comhroinnt Díchill⁴/Spriocanna náisiúnta um laghdú astaíochtaí

Cumhdaítear faoi sin earnálacha nach bhfuil san EU ETS, amhail tithíocht, talmhaíocht agus dramhaíl. Tá sprioc aonair um laghdú ag gach tír san AE. Faoi 2020, is é sprioc na hÉireann laghdú 20% a dhéanamh ar astaíochtaí na n-earnálacha nach bhfuil sa Chóras i ndáil le Trádáil Astaíochtaí (neamh-ETS) i gcomparáid le leibhéil 2005, agus tá spriocanna bliantúla ceangailteacha leagtha amach do gach bliain thar an tréimhse 2013-2020. Déantar cur síos i dTábla 2 ar na híos-spriocanna le haghaidh gach tíre.

² https://ec.europa.eu/clima/policies/strategies/2020_en

³ https://ec.europa.eu/clima/policies/ets_en

⁴ https://ec.europa.eu/clima/policies/effort_en

Roinn a hAon

Tábla 2

Teorainneacha astaíochtaí GCT na mBallstát in 2020 i gcomparáid le leibhéal astaíochtaí GCT 2005

An Danmhairg	-20%
Éire	-20%
Lucsamburg	-20%
An tSualainn	-17%
An Ísiltír	-16%
An Ostair	-16%
An Fhionlainn	-16%
An Ríocht Aontaithe	-16%
An Bheilg	-15%
An Ghearmáin	-14%
An Fhrainc	-14%
An Iodáil	-13%
An Spáinn	-10%
An Chipir	-5%
An Ghréig	-4%
An Phortaingéil	1%
An tSlóivéin	4%
Málta	5%
Poblacht na Seice	9%
An Ungáir	10%
An Eastóin	11%
An Slóvaic	13%
An Pholainn	14%
An Liotuáin	15%
An Laitvia	17%
An Rómáin	19%
An Bhulgáir	20%


Dul chun cinn na hÉireann maidir lena spriocanna astaíochtaí a chomhlíonadh

Cuirtear síos i bhfeasachán is déanaí na Gníomhaireachta um Chaomhnú Comhshaoil (GCC)⁵, a foilsíodh i mí Aibreáin 2017, ar dhul chun cinn na hÉireann i dtreo a spriocanna astaíochtaí a bhaint amach. Leagadh meastacháin de na teorainneacha ceangailteacha bliantúla amach i bhfoilseachán 2015. Fuair GCC amach go bhfuiltear ag meas go sáróidh Éire a teorainneacha ceangailteacha bliantúla do gach bliain idir 2016 agus 2020, faoi mar a thaispeántar i Léaráid 1. Glactar leis sa chás “Le Bearta” go bhfuil na beartais a cuireadh i bhfeidhm faoi dheireadh 2015 curtha chun feidhme le haghaidh thréimhse an réamh-mheastacháin, agus sa chás “Le Bearta Breise” áirítear spriocanna éifeachtúlachta fuinnimh in-athnuaite an Rialtais do 2020 a bheith bainte amach tuilleadh.

5 <https://www.epa.ie/pubs/reports/air/airemissions/ghgprojections/>

Roinn a hAon


Léaráid 1



Foinse: An Gníomhaireacht um Chaomhnú an Chomhshaoil

Déantar cur síos ar an gcás “Le Bearta Breise” in dhá dhoiciméid⁶ arna bhfoilsíú ag an Roinn Cumarsáide, Gníomhú Aeráide agus Comhshaoil. Tá an t-easnamh carnach maidir le hoibleagáidí idir 11.5 - 13.7 Mt coibhéis CO₂ faoi 2020, ag brath ar leibhéal cur chun feidhme na mbeartas breise sin. Táthar ag tuar go mbainfear úsáid as na haonaid sa Chiste Carbóin chun an bhearna sin a bhaint amach. Tá na meastacháin charnacha taispeánta i Léaráid 2.

Léaráid 2



Foinse: An Gníomhaireacht um Chaomhnú an Chomhshaoil

⁶ <http://www.dccae.gov.ie/energy/en-ie/Renewable-Energy/Pages/Action-Plan.aspx> and [http://www.dccae.gov.ie/energy/en-ie/Energy-Efficiency/Pages/National-Energy-Efficiency-Action-Plan-\(NEEAP\).aspx](http://www.dccae.gov.ie/energy/en-ie/Energy-Efficiency/Pages/National-Energy-Efficiency-Action-Plan-(NEEAP).aspx)

Roinn a Dó

Infheistíochtaí ag Éirinn

Bhain straitéis na hÉireann maidir leis na ceanglais um laghdú astaíochtaí carbóin a chomhlíonadh le líon infheistíochtaí chun aonaid charbóin a sheachadadh. Rinne an Roinn Cumarsáide, Gníomhú Aeráide agus Comhshaoil infheistíochtaí i dtrí chiste iltaobhacha. Déanann na cistí sin infheistíocht i dtionscadail chun laghduithe ar astaíochtaí carbóin a bhaint amach.

Ba iad sin:

- Ciste Iltaobhach um Chreidmheasanna Carbóin (CICC)⁷ an Bhainc Eorpaigh Athfhoirgníochta agus Forbartha (EBAF). Athchóiriú agus Forbairt;
- Ciste Carbóin an Bhainc Dhomhanda don Eoraip;
- Ciste Bithcharbóin an Bhainc Dhomhanda.

Ar an iomlán cuireadh 21 trádáil i gcrích, inar cheannaigh Éire 5.255 milliún aonad. B'ionann an meánphraghas agus €14.03 (gan CLB san áireamh). Cuireadh na trádálacha sin i gcrích le linn 2008 agus 2009. Cuireadh an clár ceannaigh carbóin ar fionraí i Feabhra 2009, i ndiaidh cinnidh ón Roinn Comhshaoil, Pobail agus Rialtais Áitiúil.

Ag deireadh 2016 tugadh an 5.255 milliún aonaid anonn chun gealltanais na hÉireann faoi Phacáiste Comhtháite um Fhuinneamh agus um an Athrú Aeráide 2020 an Aontais Eorpaigh a chomhlíonadh. Tugadh aonaid bhreise ó na tionscadail infheistíochta a léiríodh thuas anonn chomh maith. Ar an iomlán, tá 5,329,964⁸ Creidmheas Carbóin fós sa Chiste don tréimhse comhlíontachta reatha. Tabharfaidh an Roinn Cumarsáide, Gníomhú ar son na hAeráide agus Comhshaoil ordú do GBCN maidir le húsáid na n-aonad sin chun spriocanna astaíochtaí atá ag teacht a chomhlíonadh.

Cé nach ndearna GBCN níos mó trádálacha, chuidigh an Gníomhaireacht leis an Roinn maidir le híocaíochtaí amuigh ar infheistíochtaí an Stáit i gcistí a phróiseáil. Rinneadh íocaíocht €422,750 (\$469,236) ón gCiste Carbóin isteach sa Chiste Bithcharbóin i mí Lúnasa 2015. Rinneadh é sin i ndiaidh ordú a rinne an Roinn. Baineann sé sin le ceangaltas faoin gComhaontú Rannpháirtíochta idir Éire agus IBRD mar lontaobhaí an Chiste Bithcharbóin. B'ionann infheistíocht na hÉireann sa chiste ansin agus €6.03 milliún as ceangaltas \$10.08 milliún.

7 Tá an Banc Eorpach Infheistíochta i bpáirtíocht le EBAF leis an CICC a bhainistiú; tá comhaontú na hÉireann le EBAF amháin.

8 Cuimsítear leis sin 5,255,000 Laghdú Astaíochtaí Deimhnithe "CERanna" agus 74,964 Aonaid Laghdaithe Astaíochtaí "ERUanna"

Tuarascáil agus Cuntais an Chiste Carbóin 2016

CLÁR NA NÁBHAR

Ráiteas maidir le Freagrachtaí na Gníomhaireachta	9
Ráiteas maidir le Rialú Inmheánach Airgeadais	10
Tuarascáil an Ard-Reachtair Cuntas agus Ciste	12
Cuntas an Chiste	13
Ráiteas maidir leis an Staid Airgeadais	14
Nótaí leis na Ráitis Airgeadais	15

Tuarascáil agus Cuntais an Chiste Carbóin 2016

Ráiteas maidir le Freagrachtaí na Gníomhaireachta

Ceanglaítear ar Gníomhaireacht Bainistíochta an Chisteáin Náisiúnta (an “Gníomhaireacht”) leis an Acht um an gCiste Carbóin 2007 (arna leasú) (an “tAcht”) ráitis airgeadais a ullmhú i dtaca le hoibríochtaí an Chiste Carbóin do gach bliain airgeadais.

Agus na ráitis sin á n-ullmhú, déanann an Gníomhaireacht:

- Beartais chuntasafóchta chuí a roghnú agus iad a cur i bhfeidhm ar bhonn comhsheasmhach;
- Breithiúnais agus meastacháin atá réasúnta agus stuama;
- Na ráitis airgeadais a ullmhú ar bhonn an ghnóthais leantaigh mura bhfuil sé míchuí é sin a dhéanamh;
- Imeacht ábhartha ar bith ó na caighdeáin chuntasafóchta is infheidhme a nochtadh agus a mhíniú.


Tá an Gníomhaireacht freagrach as na cuntais go léir is cuí agus is gnách i dtaca le feidhmíocht a feidhmeanna a tarmligeadh chuici nó a tugadh di a choinneáil i cibé foirm atá forordaithe faoi Alt 5 den Acht. Soláthróidh an Gníomhaireacht, nuair a iarrfar uirthi amhlaidh a dhéanamh i gcomhréir leis an Acht, ráitis airgeadais dá leithéid agus cibé faisnéis maidir leis na ráitis airgeadais sin mar a cheanglaítear faoin reachtaíocht.

Tá an Gníomhaireacht freagrach chomh maith as na sócmhainní atá faoina rialú agus dá réir sin as bearta réasúnta a dhéanamh chun calaois agus neamhrialtachtaí eile a chosc agus a bhrath.

Thar ceann na Gníomhaireachta



Conor O'Kelly, Príomhfheidhmeannach
Gníomhaireacht Bainistíochta an Chisteáin Náisiúnta



Willie Walsh, Cathaoirleach
Gníomhaireacht Bainistíochta an Chisteáin Náisiúnta

8 Bealtaine 2017

Tuarascáil agus Cuntais an Chiste Carbóin 2016

Ráiteas maidir le Rialú Inmheánach Airgeadais

Is í Gníomhaireacht Bainistíochta an Chisteáin Náisiúnta (an “Ghníomhaireacht”) bainisteoir an Chiste Carbóin (the “an Ciste”). Tá sonraí thíos faoi chóras um rialú inmheánach airgeadais na Gníomhaireachta.

Freagracht maidir leis an gcóras um Rialú Inmheánach Airgeadais

Admhaímid ár bhfreagracht as a chinntiú go ndéantar córas éifeachtach um rialú inmheánach airgeadais a choimeád agus a oibriú.

Ní féidir leis an gcóras ach deimhniú réasúnta seachas deimhniú iomlán a thabhairt go bhfuil sócmhainní á gcosaint, idirbhearta á n-údarú agus á dtaifeadadh i gceart, agus go bhfuil earraí nó mírialtachtaí á gcosc nó á mbrath i dtréimhse thráthúil.

Príomhnósanna Imeachta Rialaithe

Tá bearta déanta againn chun timpeallacht rialaithe chuí a chinntiú trí:

- I struchtúir chuí rialachais a bhunú ina mbeidh freagrachtaí bainistíochta atá sainithe go soiléir;
- Nósanna imeachta a bhunú chun laigí suntasacha rialaithe a thuairisciú agus chun beart ceartaitheach cuí a chinntiú;
- Coiste Iníúcháireachta agus Riosca a bhunú chun comhairle a thabhairt dúinn maidir lenár bhfreagrachtaí as an gcóras um rialú inmheánach airgeadais a chomhlíonadh.

Bhunaigh Gníomhaireacht Bainistíochta an Chisteáin Náisiúnta (‘an Ghníomhaireacht’) próisis chun rioscaí gnó a shainaithint agus a mheasúnú trí:

- I cineál, méid agus impleachtaí airgeadais na rioscaí atá le sárú ag an eagraíocht a shainaithint;
- measúnú a dhéanamh ar an gcosúlacht go dtarlódh rioscaí a sainaitníodh;
- measúnú a dhéanamh ar chumas a heagraíochta na rioscaí a tharlaíonn a bhainistiú agus a mhaolú;
- measúnú a dhéanamh ar na costais a bhaineann le rialuithe faoi leith a oibriú i gcomparáid leis an tairbhe a fhaightear.

Tá an córas um rialú inmheánach airgeadais bunaithe ar chreat lena gcuimsítear faisnéis rialta don lucht bainistíochta, nósanna imeachta riaracháin lena n-áirítear deighilt dualgas agus córas tarmligthe agus cuntasachta. Áirítear air go sonrach:

- córas cuimsitheach buiséadaithe lena bhfuil buiséad bliantúil a athbhreithníonn agus a fhaomhann Comhaltaí na Gníomhaireachta agus a chuirtear isteach chuig an Aire Airgeadais;
- athbhreithnithe rialta ar thuarascálacha airgeadais tréimhsiúla agus bliantúla ina léirítear an fheidhmíocht airgeadais i gcoinne réamhaisnéis;
- spriocanna a leagan síos chun feidhmíocht airgeadais agus feidhmíocht eile a thomhas;
- treoirilínte maidir le rialú infheistíochtaí caipitil atá sainithe go soiléir;
- disciplíní foirmiúla i leith bainistíocht tionscadal;
- glacadh le beartas Frithchalaoise agus an Tuairisc ar ‘Éagóiritheoireacht’ agus Beartas um Nochtadh Cosanta (ar a thugtaí an Beartas Tuairiscithe um Meon Macánta roimhe seo).

Tuarascáil agus Cuntais an Chiste Carbóin 2016

Ráiteas maidir le Rialú Inmheánach Airgeadais (ar lean)

Tá Coiste Iniúchóireachta agus Riosca ag an nGníomhaireacht a fheidhmíonn de réir na bprionsabail sa Chód Cleachtais maidir le Rialachas Comhlachtaí Stáit. Déanann an Coiste Iniúchóireachta agus Riosca maoirseacht ar fheidhm iniúchóireachta inmheánaí na Gníomhaireachta. Cuirtear bonn eolais faoi obair an iniúchóireachta inmheánaí le hanailís ar na rioscaí airgeadais atá os comhair na Gníomhaireachta, agus agus tá pleananna iniúchóireachta inmheánaí bliantúla bunaithe ar an anailís seo. Comhaontaítear na pleananna iniúchóireachta inmheánaí atá bunaithe ar riosca leis an bPríomhfheidhmeannach agus le lucht bainistíochta na Gníomhaireachta agus faomhann Coiste Iniúchóireachta agus Riosca na Gníomhaireachta iad. Ar bhonn rialta, soláthraíonn an fheidhm iniúchóireachta tuarascálacha maidir leis an ngníomhaíocht iniúchóireachta inmheánaí do lucht bainistíochta na Gníomhaireachta agus do Choiste Iniúchóireachta agus Riosca na Gníomhaireachta. Tugtar breac-chuntas sna tuarascálacha sin maidir le torthaí nó moltaí ar bith i dtaca le rialuithe inmheánacha ar a ndearnadh athbhreithniú. Déantar monatóireacht ar dhul chun cinn i gcoinne na moltaí agus déantar é a thuairisciú don Choiste Iniúchóireachta agus Riosca.

Tá Cód Cleachtais ag an nGníomhaireacht maidir le Rúndacht agus Iompar Gairmiúil ina leagtar amach na caighdeáin chomhaontaithe um prionsabail agus um chleachtas i ndáil le rúndacht, coinbhleachtaí leasa, déileáil chos istigh, ionramháil margaidh agus idirbhearta cuntas pearsanta.

Tá creat cuí curtha i bhfeidhm ag an nGníomhaireacht lena chinntiú go gcloíonn sé leis na hAchtanna um Chosaint Sonraí. Mar chuid den chreat seo, tá córais agus rialuithe curtha i bhfeidhm ag an nGníomhaireacht chun rochtain ar na sonraí rúnda a shrianadh. Faoi gcreat, sa chás go dtagann an Gníomhaireacht ar sháruithe nó ar sháruithe líomhnaithe ar shonraí rúnda, déantar imscrúdú iomlán orthu sin agus más gá déantar iad a thuairisciú do na húdaráis chuí.

Is é an lucht bainistíochta laistigh den Gníomhaireacht ag a bhfuil freagracht as an gcreat um rialú airgeadais a fhorbairt agus a chothabháil, torthaí na hoibre ón bhfeidhm iniúchóireachta inmheánaí agus tráchtanna a dhéanann Oifig an Ard-Reachtaire Cuntas agus Ciste i litreacha bainistíochta nó tuarascálacha eile a chuireann bonn eolais faoi mhonatóireacht agus athbhreithniú na Gníomhaireachta ar éifeachtúlacht an chórais um rialú inmheánach airgeadais.

Athbhreithniú Bliantúil ar Rialuithe

Dearbhaímid, maidir leis an mbliain dar críoch an 31 Nollaig 2016, go ndearna comhaltaí na Gníomhaireachta, agus comhairle glactha acu ó Choiste Iniúchóireachta agus Riosca na Gníomhaireachta, athbhreithniú ar éifeachtúlacht an chórais um rialú inmheánach airgeadais.

Thar ceann chomhaltaí na Gníomhaireachta



Willie Walsh, Cathaoirleach
Gníomhaireacht Bainistíochta an Chisteáin Náisiúnta



Cathaoirleach, an Coiste Iniúchóireachta
Gníomhaireacht Bainistíochta an Chisteáin Náisiúnta

8 Bealtaine 2017

Tuarascáil agus Cuntais an Chiste Carbóin 2016

An tArd-Reachtaire Cuntas agus Ciste Tuarascáil lena cur faoi bhráid Thithe an Oireachtais

An Ciste Carbóin

Tá iniúchadh déanta agam ar ráitis airgeadais an Chiste Carbóin don bhliain dar críoch an 31 Nollaig 2016 faoin Acht um an gCiste Carbóin 2007. Cuimsítear sna ráitis airgeadais cuntas an chiste, ráiteas maidir leis an staid airgeadais agus na nótaí gaolmhara. Ullmhaíodh na ráitis airgeadais san fhoirm atá forordaithe faoi alt 5 den Acht um an gCiste Carbóin 2007.

Freagrachtaí Gníomhaireacht Bainistíochta an Chisteáin Náisiúnta

Tá Gníomhaireacht Bainistíochta an Chisteáin Náisiúnta (an Gníomhaireacht) freagrach as na ráitis airgeadais a ullmhú san fhormaid shainithe agus as rialtacht na n-idirbheart a chinntiú.

Freagrachtaí an Ard-Reachtaire Cuntas agus Ciste

Is é m'fhreagracht iniúchadh a dhéanamh ar na ráitis airgeadais agus tuairisc a dhéanamh orthu de réir an dlí is infheidhme.

Déantar m'iniúchadh faoi threoir na mbreithnithe speisialta atá ceangailte ar chomhlachtaí Stáit maidir lena mbainistíocht agus lena n-oibriú.

Déantar m'iniúchadh de réir na gCaighdeán Idirnáisiúnta maidir le hIniúcháireacht (Éire agus an Ríocht Aontaithe) agus i gcomhréir leis na Caighdeáin Eiticiúla d'Iniúcháirí de chuid an Bhoird um Chleachtais Iniúcháireachta.

Raon feidhme an iniúchta ar na ráitis airgeadais

Is éard atá i gceist le hiniúchadh fianaise a fháil maidir leis na méideanna agus an nochtadh sna ráitis airgeadais, ar leor iad chun dearbhú réasúnta a thabhairt go bhfuil na ráitis airgeadais saor ó mhíráiteas ábhartha, cibé acu trí chalaois nó trí earráid. Áirítear air sin measúnú a dhéanamh ar

- cibé an bhfuil nó nach bhfuil na beartais chuntasaíochta oiriúnach do chúinsí an Chiste, agus ar cuireadh nó nár cuireadh i bhfeidhm go comhsheasmhach iad agus ar nochtadh nó nár nochtadh go hiomchuí iad
- réasúntacht na meastachán cuntasaíochta suntasach a rinneadh agus na ráitis airgeadais á n-ullmhú, agus
- cur i láthair foriomlán na ráiteas airgeadais.

Féachaim chomh maith le fianaise a fháil maidir le rialtacht na n-idirbheart airgeadais le linn an iniúchta.

Chomh maith leis sin, léim an tuarascáil bhliantúil maidir leis an gCiste chun a fháil amach an bhfuil neamhréireachtaí ábhartha ar bith ann leis na ráitis airgeadais iniúchta agus chun a fháil amach an bhfuil faisnéis ar bith ann atá mícheart nó neamh-comhsheasmhach go hábhartha de réir cosúlachta bunaithe ar an eolas a fhaighim agus an t-iniúchadh á dhéanamh agam. Má thagaim ar mhírátis nó ar neamhréireachtaí ábhartha follasacha ar bith, breathnaím ar na himpleachtaí maidir le mo thuairisc.

Tuairim maidir leis na ráitis airgeadais

Is í mo thuairim, go léirítear go cuí sna ráitis airgeadais, a ullmhaíodh go cuí de réir an Achte um an gCiste Carbóin 2007, staid ghnóthaí an Chiste amhail an 31 Nollaig 2016 agus a idirbhearta do 2016.

Is í mo thuairim, go raibh taifid chuntasaíochta na Gníomhaireachta i dtaca leis an gCiste dóthanach le hiniúchadh a dhéanamh go héasca agus go cuí ar na ráitis airgeadais. Tagann na ráitis airgeadais leis na taifid chuntasaíochta.

Cúrsaí ar a ndéanaim tuairisc trí eisceacht

Déanaim tuairisc trí eisceacht mura bhfaighim an fhaisnéis agus na míniúcháin ar fad a theastaíonn uaim d'iniúchadh nó má fhaighim go bhfuil

- cás ábhartha ar bith ann nár cuireadh airgead poiblí i bhfeidhm chun na críocha dá raibh sé beartaithe nó i gcás nár chloígh na hidirbhearta leis na húdaráis a rialaíonn iad, nó
- nach bhfuil an fhaisnéis i dtuarascáil bhliantúil an Chiste comhsheasmhach leis na ráitis airgeadais ghaolmhara nó leis an eolas a fuair mé agus an t-iniúchadh á dhéanamh agam, nó
- nach dtagann an ráiteas um rialú inmheánach airgeadais le comhlíonadh na Gníomhaireachta maidir leis an gCód Cleachtais maidir le Rialachas Comhlachtaí Stáit, nó
- go bhfuil cúrsaí ábhartha eile ann i dtaca leis an dóigh inar stiúradh an gnó poiblí.

Níl rud ar bith le tuairisciú agam maidir leis na cúrsaí sin ar a ndéantar tuairisciú trí eisceacht

Seamus McCarthy

Seamus McCarthy
An tArd-Reachtaire Cuntas agus Ciste
12 Bealtaine 2017

Tuarascáil agus Cuntais an Chiste Carbóin 2016

Cuntas an Chiste For Year Ended 31 December 2016

		2016	2015
	Nóta	€	€
Ioncam	4	-	422,750
Géilleadh sócmhainní	5	-	(9,392,193)
Gluaiseacht sa Chiste		-	(8,969,443)
Glansócmhainní an Chiste amhail an 1 Eanáir		90,314,695	99,284,138
Glansócmhainní an Chiste amhail an 31 Nollaig		90,314,695	90,314,695

Tá na nótaí gaolmhara ina gcuid lárnach de na ráitis airgeadais.

Thar ceann na Gníomhaireachta



Conor O'Kelly, Príomhfheidhmeannach
Gníomhaireacht Bainistíochta an Chisteáin Náisiúnta



Willie Walsh, Cathaoirleach
Gníomhaireacht Bainistíochta an Chisteáin Náisiúnta

8 Bealtaine 2017

Tuarascáil agus Cuntais an Chiste Carbóin 2016

Ráiteas maidir leis an Staid Airgeadais Amhail an 31 Nollaig 2016

		2016	2015
	Nóta	€	€
Sócmhainní an Chiste Carbóin	7	90,314,695	90,314,695
Earraí Infhaighte	9	-	422,750
Dliteanais eile	10	-	(422,750)
Glansócmhainní an Chiste		90,314,695	90,314,695

Tá na nótaí gaolmhara ina gcuid lárnach de na ráitis airgeadais.

Thar ceann na Gníomhaireachta



Conor O'Kelly, Príomhfheidhmeannach
Gníomhaireacht Bainistíochta an Chisteáin Náisiúnta



Willie Walsh, Cathaoirleach
Gníomhaireacht Bainistíochta an Chisteáin Náisiúnta

8 Bealtaine 2017

Tuarascáil agus Cuntais an Chiste Carbóin 2016

Nótaí leis na Ráitis Airgeadais

1. Cúlra

Bunaíodh an Ciste Carbóin faoin Acht um an gCiste Carbóin 2007 chun Aonaid Kyoto¹ agus ionstraimí agus sócmhainní ar bith eile dá leithéid a cheannach thar ceann an Stáit chun oibleagáidí idirnáisiúnta um athrú aeráide faoi Chreat-Choinbhinsiún na Náisiún Aontaithe 1992 maidir leis an Athrú Aeráide, faoi Phrótacal Kyoto 1997 leis an gCoinbhinsiún sin agus faoi Chomhaontú Pháras a chomhlíonadh. Ainmníodh Gníomhaireacht Bainistíochta an Chisteáin Náisiúnta (an “Gníomhaireacht”) mar an ngníomhaí ceannaigh thar ceann an Stáit agus riarann agus bainistíonn sí ceannacháin Aonaid Kyoto.

Féadfaidh an Gníomhaireacht na sásraí seo a leanas a úsáid chun Aonaid Kyoto a cheannach:

- Aonaid Kyoto a cheannach díreach ó pháirtithe eile i bPrótacal Kyoto
- infheistíocht dhíreach i dtionscadail an tSásra cur chun Feidhme Chomhpháirtigh agus an tSásra Ghlain Forbartha I infheistíocht
- gcistí bainistithe
- ceannacháin margaidh dhíreach d’Aonaid Kyoto
- nó comhcheangal de chuid dóibh sin nó dóibh uile.

Is féidir Aonaid bharrachais Kyoto arna seilbh ag an Stát ag deireadh na tréimhse gealltanais 2008-2012 a úsáid i dtréimhse gealltanais Phrótacal Kyoto ina dhiaidh sin nó i gconradh ar bith ina dhiaidh sin. Cuireadh na hidirbhearta cuntasafóchta deiridh don chéad tréimhse gealltanais de Phrótacal Kyoto (2008-2012) i gcrích in 2015. Tugadh na creidmheasanna nár úsáideadh anonn chun iad a úsáid chun gealltanais 2020 na hÉireann faoi Phacáiste Comhtháite um Fhuinneamh agus um an Athrú Aeráide 2020 an Aontais Eorpaigh a chomhlíonadh.

Rinneadh feidhmeanna an Aire Airgeadais faoin Acht um an gCiste Carbóin 2007 a aistriú chuig an Aire Caiteachais Phoiblí agus Athchóirithe an 29 Iúil 2011. Rinneadh feidhmeanna an Aire Comhshaoil, Pobail agus Rialtais Áitiúil faoi Acht um an gCiste Carbóin 2007 a aistriú chuig an Aire Cumarsáide, Gníomhú Aeráide agus Comhshaoil an 22 Iúil 2016.

2. Bunús an Ullmhaithe

Rinneadh na ráitis airgeadais a ullmhú de réir alt 5(1) den Acht um an gCiste Carbóin 2007 i bhformáid a d’fhaomh an tAire Comhshaoil, Pobail agus Rialtais Áitiúil le toiliú ón Aire Airgeadais.

Is an euro an t-airgeadra tuairiscithe atá curtha in iúl leis an tsiombail €. Sa chás go n-úsáidtear é, cuireann €m milliún in iúl.

¹ 1 Tá Aonaid Kyoto sainithe san Acht um an gCiste Carbóin 2007 mar “aonad atá coibhéiseach le tona méadrach amháin de dhé-ocsaíd charbóin, arna eisiúint de bhun Phrótacal Kyoto agus na gcinntí arna nglacadh de bhun an Choinbhinsiúin agus Phrótacal Kyoto”. Tugtar creidmheasanna carbóin ar Aonaid Kyoto go ginearálta. Déantar foráil sa reachtaíocht le haghaidh Aonaid Kyoto a dhiúscairt le toiliú an Aire Cumarsáide, Gníomhaithe ar son na hAeráide agus Comhshaoil, agus an Aire Caiteachais Phoiblí agus Athchóirithe amháin agus ar cibé téarmaí a shonróidh siad.

Tuarascáil agus Cuntais an Chiste Carbóin 2016

Nótaí leis na Ráitis Airgeadais (ar lean)

3. Beartais Chuntasaíochta

3.1 Sócmhainní an Chiste Carbóin

Léiríonn sócmhainní an Chiste Carbóin infheistíochtaí iontu seo a leanas:

Sealúchais Dhíreacha

Déantar Aonaid Kyoto a cheannaítear a thaifeadh nuair a sheachadtar iad ar chostais an cheannacháin. Áirítear ar chostas ceannacháin Cáin Bhreisluacha a íocadh agus atá infíochta i dtaca le ceannach Aonaid Kyoto.

Aonaid Kyoto Neamhdhíreacha

Déantar infheistíochtaí in aonaid neamhdhíreacha i gcistí bainistithe. Déantar na hinfeistíochtaí sna cistí sin a thaifeadh ag costas na hinfeistíochta. Baineann infheistíochtaí dá leithéid le tionscadail um laghdú carbóin a fhéadfaidh nó nach bhféadfaidh Aonaid Kyoto a tháirgeadh. Ní bheidh fios cá mhéad aonaid ar fad a bheidh ann go dtí dáta amach anseo nuair a bheidh na tionscadail curtha i gcrích.

D'infheistigh an tAire Comhshaoil, Pobail agus Rialtais Áitiúil €20 milliún in 2006 sa Chiste Iltaobhach um Chreidhmeasanna Carbóin arna bhunú ag an mBanc Eorpach Athfhoirgníochta agus Forbartha. Níl an infheistíocht sin ina cuid den Chiste ach tá na haonaid a tháirgtear leis na tionscadail a rinneadh san áireamh anseo istigh faoi mar a mhínítear i Nóta 7(d).

3.2 Gnóthachain agus Caillteanais ar Shócmhainní an Chiste Carbóin

Ceannaíodh Aonaid Kyoto agus é beartaithe oibleagáid na hÉireann a chomhlíonadh faoi Phrótacal Kyoto sa tréimhse gealltanais 2008 go 2012. Cuireadh na hidirbhearta cuntasaíochta deiridh don chéad tréimhse gealltanais de Phrótacal Kyoto (2008-2012) i gcrích in 2015. Ar an 20 Nollaig 2016 cuireadh na creidhmeasanna nár úsáideadh anonn chun iad a úsáid chun gealltanais 2020 na hÉireann faoi Phacáiste Comhtháite um Fhuinneamh agus um an Athrú Aeráide 2020 an Aontais Eorpaigh a chomhlíonadh. Ní eascróidh gnóthachain nó caillteanais réadaithe ar bith mar thoradh ar ghéilleadh na sócmhainní dá dtagraítear i Nóta 5 nó ní thabharfar anonn go dtí an chéad thréimhse gealltanais eile iad.

3.3 Cuntas an Chiste

Taifeadtar an t-ioncam carntha a fuarthas nó atá le fáil ón Roinn ábhartha i gCuntas an Chiste. Déantar infheistíochtaí a mhaoiniú ar dtús trí réamhíocaíochtaí inaisíochta ón gCiste Lárnach faoi alt 3 den Acht um an gCiste Carbóin 2007 ar feitheamh an t-ioncam sin a fháil.

3.4 Airgeadraí Coigríche

Déantar na hidirbhearta ar fad in airgeadraí eachtracha a aistriú go euro ag na rátaí malairte a bhíonn i réim ar dháta na n-idirbheart sin. Déantar gealltanais neamhchistithe le hinfeistíochtaí neamh-euro a aistriú go euro ag baint leas as na rátaí malairte coigríche a bhíonn i réim ag dáta dheireadh na bliana.

3.5 Cánachas

Tá ioncam agus brabúis an Chiste Carbóin díolmhaithe ó cháin chorparáide na hÉireann. Tá ceannach Aonaid Kyoto ag an gCiste Carbóin faoi dhliteanas Cáin Bhreisluacha agus dá bhrí sin breathnaítear ar idirbhearta den sórt sin mar sholáthar seirbhíse arna shainiú in Alt 5(1) den Acht Cánach Breisluacha 1972. Áirítear CBL a thabhaítear i gcostas ceannaigh sócmhainní an Chiste Carbóin.

3.6 Géilleadh sócmhainní/Tabhairt anonn go dtí an chéad Tréimhse Gealltanais eile

Déantar sealúchais dhíreacha Aonaid Kyoto a ghéilleadh ag meánchostas na sealúchas díreach ar dháta an ghéillte.

Déantar sealúchais neamhdhíreacha Aonaid Kyoto a ghéilleadh ag meánchostas na hinfeistíochta sa chiste bainistithe ábhartha ar dháta an ghéillte.

Tugtar aonaid dhíreacha agus neamhdhíreacha Kyoto anonn go dtí an chéad tréimhse gealltanais eile ag costas.

Tuarascáil agus Cuntais an Chiste Carbóin 2016

Nótaí leis na Ráitis Airgeadais (ar lean)

4. Ioncam

	An Bhliain dar Críoch an 31 Nollaig 2016	An Bhliain dar Críoch an 31 Nollaig 2016
	€	€
Ioncam ón Roinn Ábhartha	-	422,750

Faigheann an Ciste Carbóin ioncam i bhfoirm aisíocaíochtaí chun le íoc as an gcaiteachas a thabhaítear linn na bliana. Toisc nach raibh caiteachas ar bith ann le linn 2016, níl gá le haisíocaíocht. Le linn 2015, bhí glao ar íocaíochtaí faoin gCiste Bithcharbóin arbh fhiú €422,750 iad. In 2015, b'ionann ioncam an Chiste Carbóin agus an aisíocaíocht a bhí dlite ón Roinn Comhshaoil, Pobail agus Rialtais Áitiúil.

5. Géilleadh sócmhainní

Sealbhaítear na haonaid atá sealbhaithe sa Chiste Carbóin ag praghsanna stairiúla toisc nach sealbhaítear na haonaid sin chun críche trádála ach ní mór iad a chur isteach mar chuid de Chomhlíontacht na hÉireann faoi Phrótacal Kyoto, na cinn ina dhiaidh agus oibleagáid na hÉireann faoi reachtaíocht an Aontais Eorpaigh maidir leis sin (amhail an Cinneadh maidir le Comhroinnt Díchill) (Cinneadh 406/2009/CE)) agus an Pacáiste Comhtháite um Fhuinneamh agus um an Athrú Aeráide 2020. Cuireadh na hidirbhearta cuntasáochta deiridh don chéad tréimhse gealltanais de Phrótacal Kyoto (2008-2012) i gcrích in 2015, tréimhse inar géilleadh 3,052,416 aonad ón gCiste. Bhí gá leis na haonaid sin a ghéilleadh chun oibleagáidí na hÉireann faoi Phrótacal Kyoto a chomhlíonadh. Ní raibh idirbhearta ar bith ann in 2016. Ar an 20 Nollaig 2016, tugadh 5,255,000 Laghdú Astaíochtaí Deimhnithe “CERanna” agus 74,964 Aonad Laghdaithe Astaíochtaí “ERUanna” anonn chun gealltanais na hÉireann faoi Phacáiste Comhtháite um Fhuinneamh agus um an Athrú Aeráide 2020 an Aontais Eorpaigh a chomhlíonadh.

6. Costais Oibriúcháin

Gearrtar costais oibriúcháin an Chiste Carbóin ar Chuntas Riaracháin na Gnómhachta agus íoctar amach as an gCiste Lárnach iad.

7. Sócmhainní an Chiste Carbóin

a) Achoimre ar na Sócmhainní

	2016 €	2015 €
Sealúchais Dhíreacha	89,573,025	89,573,025
Sealúchais Neamhdhíreacha	741,670	741,670
	<u>90,314,695</u>	<u>90,314,695</u>

Tuarascáil agus Cuntais an Chiste Carbóin 2016

Nótaí leis na Ráitis Airgeadais (ar lean)

7. Sócmhainní an Chiste Carbóin (ar lean)

	2016 €	2015 €
(b) Anailís de réir Airgeadra an Cheannaigh		
Euro	90,314,695	90,314,695

(c) Sealúchais Neamhdhíreacha:

	2016 €	2015 €
An Banc Domhanda – Ciste Carbóin don Eoraip	741,670	741,670

(d) Creidmheasanna arna Seachadadh agus arna Sealbhú:

Líon na gcreidmheasanna carbóin arna seachadadh agus arna sealbhú le Clárann Aontais an Choimisiúin Eorpaigh amhail an 31 Nollaig:

	2016	2015
Ceannaithe go Díreach	5,255,000	5,255,000
Faighte trí Shealúchais Neamhdhíreacha	74,964	74,964
	5,329,964	5,329,964

Níor géilleadh aonaid ar bith le linn na bliana (2015: 3,052,416) agus ní bhfuarthas aonaid ar bith sa Chiste (2015: 28,360). Ar an 31 Nollaig 2016, bhain 30,795 aonad (2015: 30,795) den 5,329,964 aonad (2015: 5,329,964) le creidmheasanna a fuarthas trí infheistíochtaí a rinne aRoinn Comhshaoil, Pobail agus Rialtais Áitiúil sular bunaíodh an Ciste Carbóin.

Tuarascáil agus Cuntais an Chiste Carbóin 2016

Nótaí leis na Ráitis Airgeadais (ar lean)

8. Ceangaltais

Infheistíochtaí an Chiste Carbóin

Riarann an Ghníomhaireacht íocaíochtaí thar ceann an Aire Cumarsáide, Gníomhaithe ar son hAeráide agus Comhshaoil i dtaca leis an dá chiste de chuid an Bhainc Dhomhanda. Baineann infheistíochtaí sna cistí sin leis na tionscadail as a bhféadfadh Aonaid Kyoto teacht ach ní bheidh fios cá mhéad aonaid ar fad a bheidh ann go dtí dáta amach anseo nuair a bheidh na tionscadail curtha i gcrích.

Amhail an 31 Nollaig 2016, b'ionann na ceangaltais neamhghlaoite maidir leis na hinfeistíochtaí sin agus:

	Ceangaltas iomlán an Stáit Airgeadra Áitiúil	Coibhéis Euro	Íoctha go dtí seo	Ceangaltas Neamhchistithe
		€	€	€
Ciste an Bhainc Dhomhanda				
Ciste Carbóin don Eoraip	€4.26m	4,263,000	4,100,000	163,000
An Ciste Bithcharbóin	US\$10.08m	7,790,497	6,033,863	1,756,634
		12,053,497	10,133,863	1,919,634

Amhail an 31 Nollaig 2015, b'ionann na ceangaltais neamhghlaoite maidir leis na hinfeistíochtaí sin agus:

	Ceangaltas iomlán an Stáit Airgeadra Áitiúil	Coibhéis Euro	Íoctha go dtí seo	Ceangaltas Neamhchistithe
Ciste an Bhainc Dhomhanda				
Ciste Carbóin don Eoraip	€4.26m	4,263,000	4,100,000	163,000
An Ciste Bithcharbóin	US\$10.08m	7,734,669	6,033,863	1,700,806
		11,997,669	10,133,863	1,863,806

Ní raibh glao ar bith ar chistí faoin gCiste Carbóin don Eoraip nó faoin gCiste Bithcharbóin le linn 2016.

Le linn 2015, bhí glao ar íocaíochtaí faoin gCiste Bithcharbóin arbh fhiú €422,750 iad. Ní raibh glao ar bith ar chistí faoin gCiste Carbóin don Eoraip.

9. Earraí Infhaighte

	2016 €	2015 €
Infhaighte ón Roinn ábhartha	-	422,750

Tá na méideanna atá le híoc leis an gCiste Carbóin dlite faoi Alt 3 (4) den Acht um an gCiste Carbóin 2007. Níl méideanna ar bith le híoc leis an gCiste Carbóin i ndáil le 2016. In 2015, bhí méideanna dlite ón Roinn Comhshaoil, Pobail agus Rialtais Áitiúil.

Tuarascáil agus Cuntais an Chiste Carbóin 2016

Nótaí leis na Ráitis Airgeadais (ar lean)

10. Dliteanais Eile

	2016	2015
	€	€
An Ciste Lárnach	-	422,750

In 2015, bhain an dliteanais maidir leis an gCiste Lárnach le réamhíocaíochtaí a rinneadh as an gCiste Lárnach leis an gCiste Carbóin, agus aisíocadh leis an gCiste Lárnach iad nuair a fuarthas cistí don Chiste Carbóin ón Roinn ábhartha.

11. Dliteanais Theagmhasacha

Ní raibh dliteanais theagmhasacha ar bith sa Chiste Carbóin amhail an 31 Nollaig 2016.

12. Páirtithe Gaolmhara

(a) An tAire Caiteachais Phoiblí agus Athchóirithe

Faoi Alt 3 den Acht um an gCiste Carbóin 2007, féadfaidh an tAire Caiteachais Phoiblí agus Athchóirithe airgead a réamhíoc leis an gCiste Carbóin ón gCiste Lárnach, a aisíoctar ón gCiste Carbóin as airgead a chuireann an tAire Cumarsáide, Gníomhú ar son na hAeráide agus Comhshaoil ar fáil (i ndiaidh aistriú feidhmeanna ón Aire Comhshaoil, Pobail agus Rialtais Áitiúil an 22 Iúil 2016). Ní dhearnadh réamhíocaíochtaí ar bith leis an gCiste in 2016. Féach nóta 10 maidir leis na réamhíocaíochtaí a rinneadh in 2015.

(b) An tAire Cumarsáide, Gníomhú ar son na hAeráide agus Comhshaoil

Faoi Alt 2(3) den Acht um an gCiste Carbóin 2007, déanann an tAire Cumarsáide, Gníomhú ar son na hAeráide agus Comhshaoil an Ciste Carbóin a bhainistiú agus a rialú (i ndiaidh aistriú feidhmeanna ón Aire Comhshaoil, Pobail agus Rialtais Áitiúil an 22 Iúil 2016).

(c) Gníomhaireacht Bainistíochta an Chisteáin Náisiúnta

Faoi Alt 2(4) den Acht um an gCiste Carbóin 2007, tá bainistíocht an Chiste Carbóin tarmligthe don Gníomhaireacht.

Faoi Alt 8 den Acht um an gCiste Carbóin 2007, féadfaidh an tAire Cumarsáide, Gníomhú ar son na hAeráide agus Comhshaoil, i ndiaidh comhairliúcháin leis an Aire Caiteachais Phoiblí agus Athchóirithe, treoracha nó treoirlínte a thabhairt don Gníomhaireacht maidir le feidhmíocht na bhfeidhmeanna a tarmligteadh chuici nó a tugadh di faoin Acht.

13. Faomhadh na Ráiteas Airgeadais

D'fhaomh an Gníomhaireacht na ráitis airgeadais an 8 Bealtaine 2017.